

Reconocemento di Magic 96.5 FM pa figuranan cu mas a destaca den 2024



DURANTE un encuentro masha agradabel y yena energia positivo, e prestigioso emisora local Magic 96.5 FM a haci entrega di e reconocemento cu a otorga n'e talentonan mas destaca den comunidad di Aruba den transcurso di 2024.

E evento a tuma luga den e lounge elegante di The Ritz Carlton, marcando un momento importante den e historia di e stacion, cu orguyosamente ta conta cu mas di 25 aña di trayectoria exitoso como un medio dinamico, progresivo y innovador. E ganadonan a keda selecciona despues di un proceso cuidadoso di deliberacion di parti di e gerencia y staff di e emisora, kendenan a analisa e impacto y dedicacion di cada figura nomina den su respectivo area.

Magic 96.5 FM ta confia cu e reconocemento aki, no solamente ta motiva esunnan honra pa sigui supera nan mes, pero cu tambe lo inspira otro nan pa alcanza metanan nobo y kisas converti den e proximo cu e stacion lo honra na fin di 2025.

Esunnan cu a ricibi nan reconocemento ta:

- **Personahe Femenino di Aña:** Gerlien Croes
- **Personahe Masculino di Aña:** Wendrick Cicilia
- **Banda di Aña:** Tsunami

- **Artista Femenino di Aña:** Loutiza Raven
- **Artista Masculino di Aña:** Jeon
- **Productor di Aña:** Steve Andreas
- **Cancion di Aña:** "Caya ta papia"
- **Artista Femenino Nobo di Aña:** Eli Demillion
- **Artista Masculino Nobo:** Jay Ralph
- **Campaña di Aña:** "The Car @ The Casino"
- **MC di Aña:** Addonsito Croes
- **Cancion Mas Impactante di Aña:** "Diferente" de Freddy Rasta

E evento a destaca e compromiso di Magic 96.5 FM cu e promocion y reconocemento di talento local, reafirmando su papel como un pilar den e industria di entretenimento di Aruba.

"Nos ta spera cu e premionan aki no ta celebra djis e exito di algun, pero cu tambe ta sirbi como un fuente di inspiracion pa henter nos comunidad artistico y cultural," asina Erin Croes, director di e emisora a expresa n'e evento di entrega.

Pa mas informacion, sintonisa Magic 96.5 FM y uni n'e conversacion riba nos rednan social. Ban sigui celebra hunto e talento di nos isla!